

E L E G I A

I N

E F F I G I E M

ad viuum expressam

VIRI CLARISSIMI ET
DOCTISSIMI

D N. A D A M I S I B E R I:

COMPLECTENS CVRRICVLI VI-
tæ eius historiolum: & coniungens cum hac,
per collationem, quædam de

D N. G E O R G I O F A B R I C I O

Visa congruere, propter similitudinem,
eidem commemorationi.

QVI VIRI VTRIQVE, VT LOCIS VI-
cinis coniuncti, ita animis coniunctissimi, paribus cer-
tatim studijs, magnâ cum discentium vtilitate, sempiter-
naq; nominis sui laude, vniuersæ seruiuerunt
Reipub. literariæ:

VICINAS DVAS SCHOLAS ILLVSTRES
feliciter gubernantes.

aut. Chrph. Cesar.

V U I T E B E R G Æ

Typis M. Simonis Gronenbergij, c l o. I o. x c i i i i.



BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SAALE)



ELEGIA IN EFFIGIEM.



Ra refert culti tibi picta tabella SIBERI:
Non artem artificis pingere dextra potest.
Adiecit tredecim lustris tres integer annos:
Vita fuit studijs tota dicata pijs.
Acta fuit trieteris ei vix sexta; docebat
Artes iam magnâ dexteritate bonas.
Propositumque decem premit hoc quinquennia fidus;
Nempe tot, optatus quot lubilæus habet.
Sedulus hoc aliquot ludos bene tempore rexit;
Cepit & Halensis virgea scepra scholæ:
Támque diu tenet hæc; miles finit ut diu Iberus
Infusus, cunctos cui rapit ille libros.
Continuos, decimo ter lapsa, quatuor annos
Illustrem doctâ rexit et arte Scholam,
Ad Muldam: FABRICI illustrem rexisti ut ad Albim,
Care sacris Musis, omnibus atque bonis.
Quod Grimæ ADAMVS erat, tu Misnide in urbe GEORGI:
Sunt spatia heivitæ sed breuiora tuæ.
Quinquaginta etenim est quinque annis additus alter
Ætatis mensis; bis decem, & una dies.
Te scholæ Olympiades habuere at septem: habuit te
Rectorem lustris quinque schola Albiaca.

A 2 Innumeris

Innumeris cumulare bonis cum Misnidos oram
Vellet, cuncta fluunt quo bona fonte, Deus:
FABRICIO adiecit docto doctum ipse SIBERVUM,
Vicino atq; virum iunxit utrumq; loco.
Ambo pares ætate, fide, virtutibus ambo:
Ingenio, patriâ, sedulitate pares.
Ambo pares studijs, meritis, industriâ, & arte,
Instituendi etiam prosperitate pares.
Ambo sibi nexu interioris amoris honesto
Iuncti; animo ambo sibi conueniente pares.
Hinc tot, equo se ceu Phrygio, effudere celebres
Doctrinâ, titulis, & pietate viri:
Rarus ut Imperio locus inueniatur in omni,
Quin, fide alumnorum, nota utriusque fides.
Sed redeo ad nostrum, de quo nunc sermo, SIBERVUM:
Namq; aliud, FABRICI, tu mihi carmen eris.
Grajugenûm domus Isocratis schola credita quondam
Tota erat; Orator plurimus unde bonus.
Culte, domus tua, sic schola docta, SIBERE, putatur;
Doctorum unde virum multa profecta seges.
Ergo domo è tali doctam num surgere prolem
Mirum? septenâ qua pater ipse fuit.
Natus erat triplex; studiis imbutus honestis
Omnis: in his LANUS funere merfus obit.
Nomē habes, THEODORE, patris, laudemq; paternâ
Æquas, pulcro & cum vincere Marte paras.
Quin,

Quin, HENRICE, Patris vestigia, Fratris et, hæres
Ceu proprius, stabili mente fideq; legis.
Nata fuit quadruplex, pia, casta, pudica, venusta:
Progeniestali non nisi digna patre.
Cui bona Nata venit, venit huic bonus et Gener: est par
Sic Socero ipse Gener; sic Genero ipse Socer.
Hinc Natæ docti, doctis cessere maritis
Cunctæ, ampla dignis lauro & honore frui.
Cui SCHELNBURGIACÆ obscura est laus summa Thaliæ?
Cui non FVRMANI fama decusq; patet?
TRAVTNER, eum & DOBLER thalamo officioq; secutus,
Dum pietas sanctâ mente coletur, erunt.
Muldanoque fides nota est MÛLINGIA ludo:
Verè ut dicatur DOCTA ea tota DOMVS.
Et quia docti astris certabunt lumine: quantus
HVIUS erit splendor, gloria quanta DOMVS?
Ergo tot annorum poterastot ferre labores
Tamq; graues, Fabrici; tamque, Sibere, graues?
Sisyphium me vis saxum, Herculeumque laborem,
Perpetem & angorem dicere voce? SCHOLA.
Quis labor at vili reputatur vilior algâ:
Cui sua pro meritis sunt malefacta? SCHOLA.
Alter ut Alcides monstrorum pugnat aceruis,
Barbariem remouens corde furente feram.
Huic leo, & excetra, Ætoliusque aper, Antæusq;
Vincendæ volucres Arcadicæ assiduò.

Quatuor Alcides triginta obiitq; labores:
Tot Præceptores quotidie subeunt.
Corda Lamechiadæq; velut cruciata dolore,
Continuis seculi fracta fuere malis:
Sic animi formator habet puerilis amicus
Quotidie, & semper, cur doluisse queat.
Ossa viri minuit cuiusque calumnia fortis;
Sed magis à tali forte profecta viro,
Qui facit Id, minus id faceret, quemcunq; decebat;
Id sed ne faceret, maxima causa fuit.
Imò patrocinio ne sponte deesset honesto,
Dedecus omne abigens, maxima causa fuit.
Organa at heu Satanae stygijs emissa cavernis
Inuenias, gratus sit quibus ille cibus.
Vipereo mutant, quicquid didicere, veneno:
Flore ita odorifero virus Arachna legit.
Si quod inest illis, infrenis & improba lingua
Eloquio est cunctis perniciofa bonis.
Fota scholæ in gremio hæc audacia, matris ut a luo,
In matrem fertur sæua feroxq; suam.
Quique honor his surgit, doctæ tribuere Camœnæ:
Quis referunt rabie præmia digna suâ.
Namq; his non modò non profunt, harumq; ministris,
Sed quacunque libet parte nocere, nocent.
Dixeris haud Iulianæos malè Dæmonas illos,
Quos spumâ ex fœdo Cerberus ore dedit.

Tot

Tot monstrosorum spectrorum mille figuræ,
Pectoris an frangent robora firma pii?
Non mirum ut frangent: at contrà audentior ito;
Vince malum; officium fac magis atque tuum:
Vrgendo & magis officium fac; ope vni v s auctus
Et fretus, subiges monstra tot illa, D E I.
Propositum molitur iter, rabidamque canis vim
Latrantis spernit sic generosus equus.
Talibus hei FABRIC I tibi, talibus atque Chimæris
Pugnandum tibi tot lustra, SIBERE, fuit.
Sed domitis tot monstrosorum vel mille figuris,
Iactato adijcitur mollis utrique quies.
Castra Scholæ linquens etenim transcendit in astra,
Astrorum dono lucis uterque fruens.
Doctrinæ spatio lustrum adde, SIBERE, tuæ unum,
Æquabis vitæ FABRIC I I spatium.
Sic Iubilæus erit geminus: Iubilæus utrique
Nunc agitur nitidi lætus in arce poli.
Fabricios, D E V S, ô multos, multosque Siberos
Da nobis: cœtus crescat ubique tuus.

*M. Christophorus Casar, Scholæ
Halensis Rector.*



Ze 5374

X2207183

711



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13

Blue

Cyan

Green

Yellow

Red

Magenta

White

3/Color

Black

Ok. 273.

Z e

5374

ELEGIA

IN

EFFIGIEM

ad viuum expressam

VIRI CLARISSIMI ET
DOCTISSIMI

DN. ADAMI SIBERI:

COMPLECTENS CVRRICVLI VI-
tæ eius historiolum: & coniungens cum hac,
per collationem, quædam de

DN. GEORGIO FABRICIO

Visa congruere, propter similitudinem,
eidem commemorationi.

QVI VIRI VTRIQVE, VT LOCIS VI-
cinis coniuncti, ita animis coniunctissimi, paribus cer-
tatim studijs, magnâ cum discentium vtilitate, sempiter-
nâq; nominis sui laude, vniuersæ seruijerunt
Reipub. literariæ:

VICINAS DVAS SCHOLAS ILLVSTRES
feliciter gubernantes.

aut. *Chrph. Caesar.*

VVITEBERGÆ

Typis M. Simonis Gronenbergij, cId. Is. xciiii.